



КОМСОМОЛОНЬ ВАЙГЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

МАЙТЬ
27-це шистонза
1941 кизоня
59(1865)
Питнец 10 тр.

25-це МАЙСТА ПАНЖЕВСЬ ВСЕСОЮЗНОЙ СЕЛЬСКОХОЗЯЙСТВЕННОЙ ВЫСТАВКАСЬ

Победань смотр

25-це майста колмоцеда панжевсь Всесоюзной сельскохозяйственной выставкы кенкшенза.

Свободнай советский крестьянствас колмоцеда няфтысь созидательнай трудонц замечательнай победанзон, конатненъ сон сатозень марстонъ трудъ вельде социалистический паксятненъ лангса.

Выставкы эрь ужениц, эрь экспонатон арси яркай свидетелкэ могучай советский народъ расцветонц и творчестванц касоманц колга.

Сталин ялгаты валонза, конатненъ сон азозень кемгафтува кизода инголе «Великай переломонъ киза» статьясонза, этафтфэ эряфе. Сон корхтасъ: «Разве аф ясна, што минь од крупнай социалистический земледелияньконъ (колхозоньконъ и совхозоньконъ) ули великай будущностец, што сон кармай няфтема касоманъ чудесат». Тя великай предвидениянь минь нясасък таниень действительностъ эзда колхознай стройт пивгста, кона арси фкя инъ цебарь кикс од эряфти.

Сядонга яркайста няеви колхозонь культурнай и зажиточнай эрямасон касомасна колхознай университетъ—Всесоюзной сельскохозяйственной выставкы эзда, кося примайхъ участия лама сятт колхоз, совхоз, МТС, колхозник и колхозница.

Колма кизоста выставкас арасъ замечательнай школак колхознай крестьянствати, арасъ сядонга содержательнайкэ, прибаваст участникомъ. Сядонга касъ участникомъ лувксъ тя кизоня, прибаваст экспонатне и павилотне. Васенцеда участондайхъ сельскохозияствань смотрса Литовский, Латвийский, Эстонский и Молдавский союзнай республиканъ свободнай народтне.

Тя кизоня выставка примси участия 24.220 колхоз, 15.687 колхознай ферма, 1.095 совхоз, 503 МТС и 314.394 велень хозяйствань передовик.

ВИТЦИХЪ 7—8 ГЕКТАРОНЪ

Тунданъ видеманъ работанень эса Ковылкинский районъ Порапа велень «Карл Маркс» колхозонъ колхозникне няфнихъ стахановский работанъ показателхъ. Видихне и сокайхне сянь инкса, штоба нюрхкяня пивгста и цебарь качества мархта аделаме большевистский тунданъ работанень, кемокетаст эсь ётковаст социалистический соревнованианъ договорхъ, конат кеподьсть производственной подъем. Омбоце бригаданъ видихне Мартышкин и Рудяев ялгати эрь шиня витцихъ 7—8 гектаронъ.

Синь эздост ёфси аф лятвшнихъ сокайхневок. Сокай-

Колхозно-совхознай и машинно-тракторнай станциянь передовикненъ ётка аф фкя сяда комсомолец и аф союзнай одломанъ социалистический соревнованианъ вельде сатеть замечательнай показателхъ и участондайхъ выставкас мельник кафтонъ-колмонъ киза.

Мордовский республикы эзда тя кизоня выставкас примайхъ участия лама кемонъ комсомолец и 83 юнай натуралист. А. Н. Чадайкина комсомолкас З. Полянский районца Куйбышевть лемста колхозса кафта да пале кизоста касфть 23 вашеня, мезень инкса МАССР-нь Верховнай Советъ призидиумонъ казезе грамотаса. ВЛКСМ-нь членъ Чернышев Лямбирский районъ Молотовъ лемса колхозса 1939—40 к. вашенятненъ ванфтозень 97 проц., вароскатненъ — 95,5 проц., пурьхкятненъ — 96 проц.

Выставкы участиянь правасатъ Т. И. Лидейкин комсомолец (Кочуровский район). Сон сокас колеснай тракторса 885 гектар, ЧТЗ-са—1.658 гектар, а «СТЗ-НАТИ» тракторса—1.238 гектар и ванфть 2.873 кг. горючай. Цебарь показател мархта васфтезь выставкы панжеманц Инсарский и Пособский средняй школанъ, и Саранский юнай натуралистне. Инсарский районца выставкы участникомъ кемокетаст 20 ученик, конатненъ эзда 9 стирнят. Саранский юнатне кярмодеть благолюднай тево—касфтыхъ кок-сагыз.

Лозунгс, кона ащи тани советский народъ инголе—касфтомс ламонъ крда участникомъ лувксон и максомс странати 1941 кизоня сисем миллиартт вейхкса сятт миллион пуд еера.

«Минь выставканьке аф анык максси победанъ итог, но сон арси мощнай призывокс сельский хозяйствать сяда товедонъ кеподеманцы, социализмать од славнай победанзонды» (Молотов).

хне: Понморов, Дурнов ялгати не шити выработканъ нормасон пашкотъкшнесазь кафтонъ крда. Синь эздост сявондемок кепотъкст, иляды колхозникневок работайхъ сембе виный пutoзь. Но пяк калдяв ся што синь ётксоет аф вятеви агитационно-массовой работа. Тяса улихъ кафта первичнай комсомольский организацият, но кафдыке ширесот тя тевть эзда. Колхознай комсомольский организацият секретарец Корольков ялгасъ амензень мобилизованда комсомолценъ паксянь станца агитационнай работанъ вятема.

99

Сергин



СНИМКАСА: 1941-це кизоня ВСХВ-нь участникне кержи ширеста видити—Я. А. Ушанов, Шитова [Ромодановский район], М. С. Филимонов [Саранский район], Г. В. Котенков [Ардатовский район], И. Л. Прохоров [Саранский район].

Фотосъ Ивенинтъ.

1941 КИЗОНЪ ВСЕСОЮЗНОЙ СЕЛЬСКОХОЗЯЙСТВЕННОЙ ВЫСТАВКАСЬ ПАНЖЕМАЦ

25-це майста торжественнай митингса ульсь 50 тѣжянда лама ломанъ.

Праздничнайста мазептфоль флакса Москуть магистралец, кона вати Всесоюзнай Сельскохозяйственной Выставкы территориясонза. Шобдава 1.000 автомобиль, троллейбус, автобус и трамвай пачфнезь тоза Москувонъ эряйхненъ, инжихненъ, конат састъ странать разнай крайзон эзда.

Колмоцеда келиста панжевсь выставкы ортанза, конац няфнесыне социалистический земледелиянь победанзон, колхознай трудъ пяк цебарь сатфксонзон.

Колхозонень Площадьсна пашкесе народта. Инжихненъ ётка—4 тѣжятъ колхозник Московский областъ районзон эзда, 2-шка тѣжянь экскурсант, конат састъ СССР-ть сембе востонзон эзда.

Главнай павильонтъ зданиянц пряса—яркай лозунгъ:

«Привет великай Сталинти—социализмать победанзон организаторсонды и вдохновительсонды!»

«Макстама странати 1941 кизоня сисем миллиартт вейкса сятт миллион пуд зерна!»

Ровна обедста колхозонень Площадьса трибунаци куцетъ РСФСР-нь Совнаркомъ председателец Хохлов ялгасъ, РСФСР-нь Верховнай Советъ Президиумонъ председателец Бадаев ялгасъ, СССР-нь земледелиянь народнай комиссаръ Бенедиктов ялгасъ, СССР-нь зерновой и животноводческий совхозонъ народнай комиссаръ Лобанов алгасъ, сельскохозяйственной науканъ В. И. Ленинонъ лемса Всесоюзной академият президентон академикъ Лысенко, партийнай и советский организациятненъ представительсна, Всесоюзнай сельскохозяйственной выставкы главнай комитетонц членонза, сельскохозяйственной науканъ виднай деятельхне.

Выставкы директорон академикъ Цицин панчсесы митингъ и максси вал СССР-нь

земледелиянь народнай комиссари, Всесоюзнай сельскохозяйственной выставкы Главнай комитетонц председателецъ Бенедиктов ялгати.

Бенедиктов ялгасъ корхтай выставкы оцю значениянц колга социалистический велень хозяйствать сяда тов касоманц эса. Тя кизоня ламода касъ социалистический земледелиянь победанзон всенароднай смотрасон участникомъ лувксона. Получастъ права выставкас участиянди 24.220 колхоз, 15.687 колхознай ферма, 503 МТС, 1.095 совхоз, 314.394 велень хозяйстванъ передовик. Колхозонень — выставканъ участивненъ ётка—лама стамда, конат сатеть оцю показателхъ аф анык сѣротъ коряс, но и животноводствать, технический культуратненъ и велень хозяйстванъ лия отраслятненъ коряс. Потай кизоня колхоза, конат участондасть выставкы эса хозяйстванъ несколько отраслянъ коряс, ульсь 1.764, а тани—9.306. Пяк оцю сатфксатеть аф анык лама колхоз, но и сядот район.

Бенедиктов ялгасъ терди нинге сяда пяк вишкотеми социалистический соревнованианъ велень хозяйствать од сатфксонзон инкса.

СССР-нь Народнай Комиссаронъ Советъ поручениянц коряс Бенедиктов ялгасъ азонткшнесы 1941 кизонъ Всесоюзнай сельскохозяйственной выставкы панчфонди.

Величественна кайги «Интернациональ», конанъ морасазь оркестрь и объединеннай хорсь. Выставкы директорон академикъ Цицин кепсесы главнай флагъ. Тяда меле флагштоттненъ пряс кепсихъ павильоттненъ якстеръ флакса.

Выставкы 50-да лама тѣжянь посетитель тушендыхъ гостеприимна панчф социалистический земледелиянь победанзон всесоюзнай смотрасон кенкшензонды.

(ТАСС).

ИСПЫТАНИЯТНЕНЬ МОЛЕМАСНА

ИЛЯДЫ ДИСЦИПЛИНАТНЕНЬ КОРЯСКА ПОЛУЧАТАМА ТЯФТАМА ОТМЕТКАТ

Ученикне иляды шитнень коряс састь школав сяда организованный. Школась праздничнайста наряджафта васьфнезень эсь питомецонзон, конат тичнень шиня кармайхть няфнема, мезе синь получают тонафнема кизоть пингста. Тя важная и ответственная ширь ученикни. Синь учихть звонкоть цингоргофтоманц эса, кода ташкава ашесть учсе сонь вайгяленц эса тонафнема кизоть пингста. Тичи шлоласа ушедыхть испытаниитне.

И вов ётасть васенце шись. Шись, кона няфтезе кизонь-берьф тонафнема результатонзон. Вов 9-це «А» классонь алгебрань преподавательсь проверязень контрольной работатнень. Вете ученик оцю радостьса кулезь, што синдейст путф отличный отметкат, иляды ученикне получают цебарь отметкат. Оцю трудсь, кона путф программный материалъ тонафнеманцы, стак ашесть юма. Сон максозень эсь замечательный результатонзон. Аньцек оцю работать вельде ученикне получают содама-шисонды достойной питне. Куду максф задачатнень аккуратнайста пашкодemasна, теоретический материалъ содамац

— вов мезьса сатфт ня сатфксне. А учительти кодама радость! Сонь воспитаниконза, конатнень мархта работась киза, получают кеме содамашит.

Майть 21-це шистонза тяка жа, Од Выселкань средний школаса 8-це классонь ученикне кирдсть испытаният рузонь кяльса и рузонь литератураса. Сатфт тяфтама жа сатфкст. Рузонь кяльть устнайста 15 ученик максозь отличной отметкаса, 15 ученик получают цебарь отметкат и сембе класса 2 ученик получают посредственной отметкат.

10-це классъ — тя сембодонга ответственнойсь. Эрь ученикть мялец аделамс средний школать цебарь сатфксса. И вов 19 ученик кирдихть испытаният химияса. 14 ученик няфтеть отличной содамаши и получают отличной отметкат, а илядыкне, 5 ученикне, максозь испытаниятнень цебарь отметка мархта. Комсомолецне: Куликов Семась, Мурзаев Павелсь, Тапильников Вандьс и лиятне увереннайхть, што иля дисциплинатнень коряска сатыхть тяфтама жа результатт.

П. Рогачев.

Зубово-Полянский район.

КАЛЬДЯВ ОТМЕТКАФТОМА

Баньгуш велень средний школань учителькне и ученический коллективсь, ётафтомок оцю анокламань работа, проверочной и выпускной испытаниятнень эса сатнихть оцю сатфкст. Особенно цебарьста юма испытаниятнень максомасна старшая класснень эса. Цебарь показателхть няфни испытаниятнень эса 10-це классонь учениксь-комсомолецъ Черракинъ. Сонь эздонза аф иляды и Кривошеевса, тика жа классонь ученикасъ.

9-це класса Сабаев Васясь и Сабаев Александрсь испытаниятнень максомаса няфнихть пример школань сембе ученикнени. 8-це классонь ученикне Кирдяшкинъ и Афтайкин Вандьс, 7-це класса — Икомасов Лешасъ, Пиксайкин Митясь, 4-це класса — Кидямкина Аксюсь, Полунинась испытаниятнень максомасазь аньцек отличной и цебарь отметка мархта.

Егор Кидямкин.

Ельниковский район.

МОЛЬХТЯМА ВОЕННОЙ ШКОЛАВ

Советский од ломаттнени пачфть сембе китне образованиань получама. Советский странаса эрь юншати и стирнати можна сатомс любовой профессия эсь мяленц коряс. Тичионь 10-нь классонь ученикне, конат аф лама пинкта меле сатыхть средний образования, арьсхть сянь колга, кодама учебнай заведения максомс тонафнема, штоба улемс социалистический родинати полезной гражданинск.

Баньгуш велень средний шко-

лань учениксь-отличниксь, комсомолецъ Черракин Вандьс корхтай: «Монь мялезе молема тонафнема военной училищав. Илякс азомс монь мялезе — улемс социалистический родинань-онди воинск, штоба ванфтомс советский народть созидательной, мирной-трудонц.»

Лама ученик арьси улемс учительск, литературань и историйань преподавательск.

Леша Икомасов.

Испытаниятнени аф анокламань сюнеда

Сажонды 1940—41 тонафнема кизоть пец. Школатнень ээга моликть проверочной и выпускной испытаниитне. Эрь школьникъ аньцек фкя мялец — аделамс тонафнема кизоть отличной и цебарь оценка мархта.

Порапа велень аф полный средний школаса испытаниятнень васенце шиста получафт аф кальдяв результатт. Тяс лама ученик испытаниятнень кой-кона дисциплинатнень ко-

ряс максомасазь отличнайста и цебарьста. Тяфта Богомолов Вандьс, Медведев Сережасъ, Кечина Марусясь и лиятне испытанияс васенце дисциплинатнень максозь отличнайста и цебарьста. Но и улихть стама ученик, конат ашесть анокла сатомшка испытаниятнени, получакиныхть кальдяв отметкат.

Сергин.

Ковылкинский район.



СНИМКАСА: Ковылкинский районъ Порапа велень НСШ-са физикань преподавательсь В. С. Челматкин ётафты испытаният.

Фотось А. Канифатьевъ.

КАФТА ШИСТА

Шонгар велень аф полный средний школаса майть 20-це шистонза 7-це классонь ученикне рузонь кяльса кирдсть выпускной испытаният. Лама ученик, тонафнемок добросовестнайста, сатеть испытаниятнень эса аф кальдяв результатт. 3 ученик получают отличной отметкат. Синь аф кальдявста содасазь правилатнень, разбираются и упражнениятнень пашкодemasнот. 6 ученик максозь испытаниятнень цебарь отметкаса и 6 ученикнень ответсон инкса препода-

вательсь путсь посредственной отметкат.

6-це класса ётафть испытаният географиять коряс. Фкявок ученик ашесть получа кальдяв отметка.

Испытаниань омбоце шиня 5-це классонь ученикне няфтезъ эсь содамашисон мокнень кяльса. Кафта ученик получают отличной отметкат, котне — цебарьхть и 3 ученикнени путфть посредственной отметкат.

М. Нагаев.

Соревнованиясь лездсь

Аделамок тонафнема кизоть колмоце четвертень аф пях цебарь результатса, Пашадонь средний школаса 4-це четвертста суvasь социалистический соревнованияс сянь инкса, штоба успешнайста анокламе тундань переводной и выпускной испытаниятнени. Ученический коллективсь учителькнень лезксонь вельде эстакиге кярмодсь испытаниятнени анокламань работати. Кармасть лездом фкя-фкянди программный материалъ повторенияса и цебарьста тонадомаса.

Соревнованиясь пях лездсь. Лама ученик ётафть анокламань работасон вельде испытаниятнень эса сатнихть оцю сатфкст, няфнесазь сянь, кода синь чеснайста работасть содамашинь получама. Сем-

бодонга цебарь показателхть тонафнеманьтесва испытаниятнень пингста няфнихть 10-це классонь ученикне. Ламотне синь эздот получакиныхть цебарь и отличной отметкат. Тя классъ 4-це четвертть сатсь 100 процентной успеваемость. Кирдяшкина М. Я., Кирдяшкин С., Фоккин и лиятне испытаниятнень максомасазь аньцек отличнайста.

Эряви азомс, што школаса улихть учительхть, конатнени ашесть сатов оцю успеваемость. Особенно ёмла успеваемость 5-це класснень эса. Сяс и тя классонь ученикне испытаниятнень пингста няфнихть аф прочнай содамашит.

Пурдошанский район.

Г. Дворецкий,

И. Миронов.

КОМСОМОЛЕЦНЕ ОТЛИЧНИК

Глушка велень средний школаса майть 20-це шистонза 9-це класса ульсть испытаният рузонь кяльса и литератураса; 10-це класса — алгебраса, 8-це класса — физикаса. Ня испытаниятнень эзда няеви, што лама ученик сембе вийса тюреть отличнайста и цебарьста тонафнема инкса. Ня ниле дисциплинатнень коряс испытаниятнень эса фкявок ученик ашесть получа кальдяв отметка. Тя корхтай, што педагогический коллективске и ученикне цебарьста анокласть и достойнайста васьфтезь переводной и выпускной испытаниятнень.

Испытаниятнень эса сембе

ученикнени няфнихть пример комсомолецне, синь прочнайста содасазь программный материалъ, маштыхть свободнайста азондомс максф кизефксти ответ. Фкя валса азомс — кизефкснени, конат максевихть теист, отвечакиныхть обдуманнайста и цебарьста.

Комсомолецне: Синякина М., Акшаева А., Кликина А., Черракин С. и лият испытаниятнень максозь отличной отметка мархта. Синь анокт тяфта жа образцовайста максомс испытаниятнень лия дисциплинатнень коряска.

Виктор Лобанов.

Кадошкинский район.

МЕДИЦИНСКИЙ СЕСТРАНЬ КАДРАТ

Краснослободский медсестрань школаса мольтесв анокламань оцю работа выпускной и переводной испытаниятнени. Испытаниада инголе 2-це курса тонафнихне аделазь сембе дисциплинатнень, кода и специальнайхнень, стане жа и общеобразовательнайхнень коряс программный материалъ ётаманц. Тядя меле кармасть повторандама тонафнема кизоста тонафневи материалъ. Тядя башка, синь ульсть кучфт фкя ковоны пингс практикас. Тя практикась кемоксатзень синь теоретический содамашисон. И тичи курок ушеды испытаниятнень эса сембе дисциплинатнень максомасазь отличнайста и цебарьста, мезьда меле получахть медицинский сестрань лем.

Школань дирекциясь, учебнай часть аноклазь сембонь, мезе эрваксты испытаниятнень ётафтомасонды, ульсть организовандафт дополнительной занятиань, консультациань ётафнема. Учащайхне кунаркиге ни содасазь расписания, кона шиня, кодама дисциплинаса кармайхть кирдема испытаният.

П. Маскайкин.

Краснослободский район.

ВАСЯ — ОТЛИЧНИК

Рыбинский средний школаса 9-це классонь учениксь Пакшин Васясь тонафни кизонь-берьф аньцек отличнайста и цебарьста. Сон максомс обязательства — аделамс тонафнема кизоть аньцек отличной отметка мархта. Штоба пашкодмс обязательстванц, Васясь оцю мяльса анокласть испытаниятнени, повторандазе кизонь-берьф ётаф программать коряс материалъ и анок ульсь васьфтомс сембе испытаниятнень. Васенце испытаниятнень максомс отличной оценка мархта.

А. Атишер.

Рыбинский район.



Маса, кона кассы фкя розе пря, касфоттама кафта



САРАНСКИЙ РАЙОНОНЬ ВОРОШИЛОВЪ ЛЕМСА КОЛХОЗСЪ

ЗАЖИТОЧНАЙ КОЛХОЗНИКЪ

Эрь кудста пцтай марявхт радиопередачтне. Сувамок колхозникт кудозонза, васендакиге сельмозт прай обстановкас: вальматненъ лангса нанчфт, кудсь валда, чистай. Ияят лама книга. Пяголет колхозник, кона луви свежай газета.

Аньцек честнай трудт вельде эрь колхозникт пирьфон пашксе жуватада, утомсонза лама сёрода, кона саты колманиле кизонди. Тяфта эряйхт Николаевка веленъ колхозникне. 1940-це кизоня синь поучаст эрь трудопити 4,5 килограмманъ сёра, ветенъ цалковай ярмак. Ламоц колхозникне тисть ётай кизоня тежяненъ трудопи. Казаков

Филипп Давыдович эсь цёрани, Сергейт комсомолецт и Маруся стирени мархта тисть 1700 трудопи. Сон арась подлинна зажиточнай колхозникос. Синдейст аф сави ризнамс вандыненъ шить инкса. Тяфтама колхозникта аф фкя. Социалистический паксянъ труженникне эсь славнай трудсон вельде арсикхъ зажиточнайкс, а колхозсна арась большевистскийкс. Арламов Петр Николаевич, Филимонов Иван Васильевич колхозникне асикхъ кандидатокс Всесоюзнай сельскохозяйственной выставк. Синь няфтьсэз эсь колхозсон козяшини, няфтьсэз работанъ опытнон.

А. Богомолов.

КОЛХОЗСЪ И ШКОЛАСЪ

Оцю практический лексэс колхозсонды максикхъ средний школанъ ученикне—пионерхне и комсомолецне. Тя лексэз эзда ширеса аф ащи педагогический коллективське. Учительне ётафникхъ оцю работа колхозникненъ сознания партият и правительстват решенияснон пачфтемаса. Колхозникненъ ётка учительненъ вииснон мархта путневикхъ постановкат, лувондовикхъ газетат, журналхт и клубса ётне фневикхъ лекцият и докладт.

Кизонда школьникне дирекцият и учительненъ руководстваснон ала примосикхъ активнай участия колхозт паксянъ работанзон эса. 1940-це кизоня школьникне, пионерхне и комсомолецне тисть 11 тежянь трудопи. Особенна оцю лекссна комсомолецненъ школьникненъ общественной жувататненди корманъ анокла-

маса. Йотай кизотъ 40 ученик аноклакшнесъ 200 тонна силос. Комсомолецне и школьникне тяфта жа анокласть 10 тоннат веточнай корма.

Сембе школасъ, ётафтомок ответственной мероприятият—выпускной и переводной испытаниятненъ, дружайста лиси колхозт паксянзон лангс и кармай тюрема сянь инкса, штоба сатомс сталинский урожай. Тянь сон лувондсы эсьтейнза почетонъ тевкс.

Школанъ комсомолецне—Балакирев Тихонц, Новокрещинова Люсясь, Суворов Васясь и пионеркас Сокольниковка Верасъ активнай работаснон инкса колхозса кемокстафт Всесоюзнай веленъ хозяйстванъ выставкати участниконди кандидатокс. Тяда башка, няфникхъ замечательнай сатфкст тонафнеманъ тевса—асикхъ отличникос и ударникос.



Исарский средний школанъ ученикне.

СНИМКАСА: В. Горбуновасъ [види ширеса] и ВСХВ-нь участникне Л. Полуктовасъ и Андриянов Колясь.

Фотосъ А. Боклановатъ.

МОНЬ СОВЕТОЗЕ

Минь пяк радовандатама эсь козяшиньконъ мархта. Ваномс, мзяра модадонк—1.515 гектар. Колхозт садон, мяргат, вирьтя. Курок садсь вельхтяви акша бархатса. Получатама эздонза оцю доход.

Оцю сатфкст сатоме и жуватанъ водяма тевса. Колхозса кота фермат. Ня ферматненъ эса колмода ламоксть кассъ жуватанъ поголовьясь. 252 алашадонк, конатненъ упитанностьсна пяк пебяръ, 170 прыскору жувата. А колхозт пуроптомдонза инголе фкявок пря жувата ашель, 1.500 учадонк, лама и куднармоньдонк и нльне зверьдонк—келязьдонк.

Кизота кизос экономикатъ касоманц мархта касы колхозникненъ культурнай уровеньдонков. Велеса тани средний школа, коса получакишникхъ образования колхозникненъ идьсна. Ваймама пиньгоньконъ ётафнесасъ клубсонк. Клубса лама книгада, журналда и эрь шиня эрьсикхъ свежай газетат. Фкя валса азоме, эрятама зажиточнайста и культурнайста. Но тя нинге аф сембе. Арьсетама маластонъ пингтъ араме миллионеркс. А штоба араме миллионеркс, то эряви пусомс лама вийда. Трудямасъ тисы сембонъ. Тя кизоня Всесоюзнай сельскохозяйственной выставкаса минь колхозсонк улихъ участникос 16 колхозник. Нятненъ ётка улихъ школьникт, комсомолецт.

Полянская,

Махорководстванъ звеньевойсь, ВСХВ-нь участницась.

140 ПРОЦЕНТС

«Марстонъ виий» колхозса омбоце тракторнай бригадасъ, коса бригадирке работай Колмыков ялгасъ, сокамета няфни трудонъ оцю производительность. Трактористъ Мамаев Андрейсь колеснай тракторса норманц пашкотышн есы 140 проценте. Тяфта жа работай Калюкшев Степанц.

И. Малин.

3-Полянский район.



СНИМКАСА: Саранск ошень 5-це № школанъ юнатне пришкольной участка прорезывають пушктуруфкс. (Кержи ширеста види ияири) Щенков В., Пакшин И.

Фотосъ Каспертъ

ВАСЬФТЕЗЪ ВЫСТАВКАТЪ ПАНЖЕМАНЦ

Всесоюзнай веленъ хозяйстванъ выставкатъ колхозникне и колхозницатне васьфтезъ тунданъ работатненъ эса од производственной подъемса. Колхозъ марнек пандозень государственнай поставкатненъ. Тунданъ видематъ эса колхозникне няфникхъ трудонъ оцю производительность, тюрникхъ сянь инкса, штоба тядненъ кизотке получамс оцю урожай.

Васенце номер бригадасъ, коса бригадирсь Арши-

нов Иван Степанович, ащи Всесоюзнай веленъ хозяйстванъ выставкати участниконди кандидатокс. Тя бригадасъ нюрхьяня пингста и отличнай качества аделазе тунданъ видеманц, удобряндамок модатъ минеральной удобрениясь и наземса, 15 гектаронъ лангс тисъ подкормка. Тя бригадасъ хозяйственной работатненъ пашкодемаса районца ащи инь передовойкс.

Александров.

ВЫСТАВКАНЪ ЭКСПОНЕНТТ

Минь родинанъ 20-шка тежянь юнай натуралист асикхъ участникос Всесоюзнай веленъ хозяйстванъ выставканъ участникос. Кда 1939-це кизоня ульсь максф фкя заявлениа выставкаса участвондаматъ колга, то 1940-це кизоня 40 юнай натуралист ульсь выставканъ участникос. Тядненъ кизоня участниконъ лувксъ ламода кассъ (синь эздот лувондови 83). Главнай выставочнай комитетсь кемокстазень участникос выставкав Инсарский средний школанъ молоднякт лангса шефненъ—20 ломанъ. 1938 кизоня Инсарский средний школанъ ученикне сявст шефства Желябовт лемса совхозонъ ферматъ молоднякзон лангса. Юнай пионерхне максетъ родинати эсь вииснон коряс оцю польза и тянь вельде сатст ётай кизоня права выставкаса участвондамати. Андриянов Ко-

лясь, Андриянов Вячеславсь, Синичкин Витясь, Баймаковский Женьясь омбоце кизосъ ни асикхъ экспонентокс выставкаса.

Лама участника Саранский школьникненъ и пионерхненъ ёткаста. Кемонъ юнай натуралист, конат работайхъ юнатонъ республиканский станцият видеца, омбоце кизосъ ни сатникхъ права улемс выставканъ участникос. Чикина Раясь, Саранск ошень 12 № средний школанъ ученикасъ, кона Мордовияста васенцеке 1939 кизоня ульсь выставкаса участникась, тя праватъ оцю мялса сатнесы вов ни колмоце кизосъ. Сонь мельденъ результатон оцю урожайнь получамаса—61 центнер фасоль эрь гектарета (кда ётафтомс гектарс) 55 центнер сура эрь гектарета. Сон вете кизот

асесь юнатонъ кружокса инь активнай членкс. Тяниень пингтъ лувондови тонафнемаса отличникос. Опытсь, конанъ получае кружокса, эрявкстс тейнза.

Саранск ошень 12 № средний школанъ 9-це классонъ ученикасъ Тростина Марусясь получае 940 центнер якстеряпс гектарета (кда ётафтомс гектарс)

Тяфтама оцю результатненъ сатомаснон инкса синь сувафнез эсь работазост од агротехникань сембе метоттненъ, социалистический земледелиянь стахановецненъ опытнон. Тяниень пингтъ касфтыхъ синь каучуконос—кок-сагыз. Синь сембе соревновайхъ сянь инкса, штоба получамс оцю весса кок-сагызонъ корнянь. Синь деляночкаснон эса появастъ кок-сагызонъ лисфкат.

Посопский средний школаса (Саранский район) юнай натуралистонъ кружокс, кона ащи Мелешина, Короткова, Бородулин, Пименова, Кучаева, Терехина, Шмякина ученикненъ эзда, кемокстафт Всесоюзнай веленъ хозяйстванъ выставканъ участникос.

Школатъ озеленениясь, цветодстватъ коряс работат инкса синь получае тя праватъ. Ичалковский средний школанъ учениконъ группасъ—Пирепелкина Зинась, Вертягина Верасъ, Володина Женьясь, Названова Нинась Ленинтъ лемса колхозт вашенязон лангса шефстватъ пингста сатст эсь подшефникснонды оцю упитанность. Синь тяфта жа няфтьсэз всенароднай смоторса эсь сатфкснон.

Тяни киза—пинге, мзярда можна пебярста вятемс краеведческий работа. Юнай натуралист, уледа туристский походе якамаса инициаторкс, тонафнест эсь райононтень. Путьода эсьтейнтъ задача—ётамс ялгантень мархта 150—200 километра эсь райононтень келес, тонадостъ сонъ козяшини, моледа интереснай и достопримечательнай васттненди, тиеда карта эсь райононтень природнай козяшиницты.

Д. Григорьев,

Юнай натуралистонъ республиканский станцият агрономц, 1941-це кизоня ВСХВ-нь участникс.

ПАКСЯТНЕНЬ ЭЗДА ОД КУЛЯТ

«Ленинов киге» колхозса колмоце бригадась, коса бригадирке работай комсомолец Малофеев ялгась, паксянь работатненъ эса ащи васенце вастса. Тяся цебарьста ладяф трудовой дисциплинась, колхозникне нормаснон пашкотькшнесазь и вельф пашкотькшнесазь. Комсомолецне Синякин Андрейсь, Петров Григорийсь эрь шиня выработкань нормаснон пашкотькшнесазь 125 проценте.

Бригадирсь Малофеев и лия комсомолецне тя бригадаса обеденнай перерывста лувондыхть газетат колхозникнеди и этафнихть беседат.

М. Синякин.
Кадошкинский район.

Опо мяльса работайхть «Ст-Большевик» колхозонь колхозникне. Лама ломань эрь шиня выработкань нормаснон пашкотькшнесазь вельф. Сокамста цебарь результат няф-

ни Буйнов Н. И., инзамста Невкин Дмитрийсь и Бокейки Михаилсь, конат нормаснон пашкотькшнесазь 150 проценте.

Колхозникне тюрххть, штобасатомс оцю урожай. Тянди условия улихть.

Иван Невкин.
Синдровский район.

«1 май» колхозса комсомолецне инициативаснон вельде ульсть пуроптфт од ломанень звенат, коза ульсть таргафт пцтай сембе комсомолецне.

Участкати, кона кемокста-фоль од ломаттненъ мелге, комсомолецне ускеть 80 тонна назем, 2,5 тонна кулу, 1,2 тонна минеральной удобрения.

Од ломаттне эсь участкаснон лангса работайхть оцю мяльса. Сия паксянь работатненъ васень шиснон эздакиге нормаснон пашкотькшнесазь вельф. Сембода активнайста работайхть комсомолецне: Адышкин

Кузьмась, Ерошкин Василийсь и комсоргс Салмини, конат эрь шиня нормаснон пашфнезь 140 проценте.

Тяда башка, комсомолецне паксяса работай колхозникне этка вятихть агитмассовой работа: лувондыхть газетат, тиендихть беседат международнон положения колга, азонткшнесазь XVIII Всесоюзной партконференциять решениязон и ВКП(б)-нь ЦК-ть и СССР-нь Совнаркомть колхозникнеди дополнительнай пандомать колга мартть 13 це шинь эзда постановленияснон.

Комсомолецне лезкснон вельде нолявихть бригаднай стенгазетат.

Цебарьста ладямок колхозникне и комсомолецне этка социалистический соревнования, «1 май» колхозсь тундань видеа кампаниянц аделазе сисем шиста.

Зобнин.



21-це майста ССР-нь Союзонь Ленинов орденоц Государственной Академический Большой театр филиалонц сценанц лангса (Большой театр видеа) ульсть путф хореографический училищат выпускной спектаклем.

СНИМКАСА: «Краковьясь» выпускной классонь комсомолецне Ирина Чубь и К. Рихтерт исполнения [Музыкась Мавковскийт, постановкась Б. И. Борисовт]. Фотось В. Малышевт.

АНОКЛАЙХТЬ КРОССТИ

Лыжнай кроссти и гимнастический соревнованиятнеди Рыбинский районнай комсомольский организацияне аноклакшнесть калдывста. Тяняфнезень сонень результатонзон — Рыбинский районнай комсомольский организациясь занясь мельденъ вастть.

Лувомок этай кроссенди анокламаса ня аф сатыксненъ, сон ушедсь оцю вийста аноклама республиканский комсомольский газетатненъ лемса од ломанень од кроссти. Лама комсомольский организация кроссти ладяф ласкомань норматненди этафнесть тренировка. Кичатова велень первичнай комсомольский организациять секретарец Чудайкин ялгась ласкозе тренировочнай минимумт.

Ие. Почтов.

Эряй павазуста

Вов почтовой отделениясь, коса агентокс работай Я. И. Кудашкинц. Сонь, кода цебарь работниконь, велерийхне кельгсазь, синь ширдест польовандай оцю авторитетса.

Кудашкин ялгать сире эряфть колга лятьфнеманза няк калдыфт: кода сон работакшнесть фкя кши сускомонкса кулакось ширеса и кода синь рахсесть сонь лангсонза. Лийкс арась эряфоц сонь советский властть пивгста. Эряй зажиточнайста и культурнайста: ули патефоноц, велосипедоц и жуванганза.

Тяфтане Мазканя велеске полафтсь. Кда инголе нльне ашель школавок, коса ба то нафнелхть беднайхненъ идьсна, то тяни ули цебарь школа, изба-читальня и почтовой

отделения. Велесь кармась улема грамотнайкс: касфть лама образованнай ломань; учительхть, командирхт, трактористт и лият.

Кудашкинц ули мезьса гордиться. Сон касфть советский родинати колма защитникт: цёранза — Кирась служай Кавказса политрукоке, Егорсь — Иркутскийса — лейтенантокс, Васясь — политруконь заместителькс.

Тяни велеса тяфтама колхозникта лама, сембонди тейст павазу эряф макссь аныпек советский властсь и синцень честнай, добросовестнай трудсна.

Миряшкин.
С-Синдровский район.

Избачсь мезевон аф тиенди

Изба-читальнятненъ лангс тундань видеа пивгста путф оцю задача — вятемс агитационно-массовой работа паксяса работай колхозникне этка.

Но тачимс тянь аф шарьхкотькшнесь Шонгар велень изба-читальнять заведующай Казейкин ялгась. Изба-читальнять эса, а стане жа паксяса работай колхозникне этка беседат, газетань лувондомат аф этафневихть.

Комсомольский организациясь и сонь секретарец сянь васте, штоба улемс активнай агитаторкс, аф шарфни кодамовок мяль колхозникне культурнай облуживанияснон шири.

Нагаев.
Ковылкинский район.

ЛЕКЦИЯ

Майт 19-це шистонза Сарга велень колхозникне и колхозницатне работада меле пурометь клубу. Международнай положения колга лекциятись ВКП(б)-нь райкомть вропагандистон Бирюков ялгась.

И. Аляжкин,
Д. Аляжкин.

Лермонтовский шитненди

Майт 11-це шистонза Ёльниковский сокультурань кудса ульсь этафтф М. Ю. Лермонтовть произведениязон инь цебарьста исполнениязон коряс районнай конкуре. Конкурса примасть участия ниле школат.

Ёльниковский школань хоровай кружоксь морась лама морхт. Цебарьста азондсь «Песня про купца Калашникова» поэмаста отрывка, а тяфта жа цебарьста моразь Н. Никольский школань младшай классонь ученицатне «Тамара» морть.

Н. Девиченский школань ученикс Малышенковсь азондосе «На смерть поэта» Лермонтовть стихонц.

ШАХМАТНАЙ ТУРНИР

Майт 5—6-це шинзон эзда Мельцанский райононь Од Александровка велеса ульсь этафтф омбоце шахматнай турнирсь. Васенце васте турнира сатозе Степан Атамайкинц.

ЗАДАНИЯСНОН ПЯШКОТЬКШНЕСАЗЬ

Шарьхкодемкоц алонь заданиять государственнай оцю значенияц, «Ст-Большевик» колхозса вишкста этафневи сонь пашкодемац. Лама колхозник пандозь ни заданияснон 100 проценте. Тяфтамкс лувондоххть И. Я. Коршев, Г. С. Кирдяшов, Я. И. Арсенкин колхозникне. Сия, тяда башка, пандозь и лия поставкаснотга. Невкин.

Ответ. редакторсь

И. ЧУДАЙКИН.

ЕВРОПАСА, АФРИКАСА И АЗИЯСА ВОЙНАСЬ

(24-це и 25-це майста военнай Крит островт инкса тюремась сембе сяди и сяди пак вишкомкшн. Германский авиациять крупнай вийнза 24-це майста апак лотксек бомбардировандазь Кания, Ретимни и Гераклион ошнень. Тифт пак оцю разрушеният.

Греческий корольсь и греческий правительствась кадозь Крит островт и тусть Египету.

Основной бойхне молихть Маленияса аэродромть районца. Неменце старандайхть кирдеме эсь заняф позицияснон и аф полдаме аэродромть англо-греческий войскактненъ кядьс этама. Английский военно-морской флотсь тапсесыне неменцень попыткаснон морява подкреплениянь этафтомаса. Юнай-тед Пресс агентствать сведениязон коряс, английский флотсь ваяфть германский транспортнай пароход и 40 аф оцю судна. Кода арсехть, ваясь 6 тежятть немецкий солдат. Тя агентствась жа азондсь, што Крит острову средняйста эрь 5 минутас сашенды тифтенъ германский транспортнай самолет войскань и вооружения мархта.

действитненъ дневниксна)

Криту войскань сувафтомс неменце использовандайхть планерхт, конат могут вагондомс веть моряти. Планерхненди ладяфт аф оцю двигательхть, конат максихть тейст возможность пачкотькшнемс берякти.

Германиять вооруженнай вийнзон верховнай командованияснон сообщенияса корхтави, што Крит островт западнай пильксонц занязь германский частьтне. Германский авиациясь тапазе английский морской флотть попытканц Крит островт инкса решающей бойхненди шоворемаса. Ваяффт и колафт противникть лама военной кораблянза. Сяда тов германский командованиять сообщенияснонза тиендеви опровержения английский заявленияи сянь колга, што германский войскактне Критса щафтольхть новозеландский войскань формас. Кда, корхтави сообщениять эса, германский парашютисттненъ мархта кармайхть тиендема «международнай правань правилатненъ колсезь», то германский верховнай командованиясь тянди отвечай английский военно-

пленнайхненъ каршескемонень крда репрессияса.

Севернай Африкаса моли воюющей ширетненъ разведывательнай отрядснон и авиациять действиясна. Кода азондсь Рейтер агентствась, неменце тачимс пивгть, кода няеви, тиенхть оборонительнай линият египетско-ливийский границат кувалмос и Тобрукть перьф.

Рейтер агентствась азондсь стане жа, што Абиссинияса фронтть эса английский войскактне занязь Содду и Уондо пункттненъ.

Корхтамок Иракса общай положения колга, Рейтер агентствась азондсь, што Евфрат и Тигр ляххненъ этка районца наводнениясь кирнесыне английский войскактненъ операцияснон.

Иракский командованиясь азондсь, што странат западнай пильксонза иракский войскактне тапазь противникть мотомеханизированнай частензон атакаснон, конатненъ пивгста противниксь лама юмафтсь. Югса стаки молихть операциятне Басраса английский войскактненъ кружамаснон инкса. Иракский авиациясь бомбардировандазе Хаббания аэродромть. Вете английский само-

летт кривязсть. Английский авиациясь ламокть эвондакшнесь Багдадть велессь.

Гавас-ОФИ агентствать сообщениянц коряс, кафта английский самолет бомбардировандазь и лицендсезь пулеметста Сириянь Алеппо ошть.

Германский авиациясь тиендсь валет Центральнай и Восточнай Англиять аэродромзон лангс. Английский военно-воздушнай вийхне атаковандакшнесть Германияса различнай объекттненъ неменцень кядьса ащи территория эзда.

Морской оцю бой ульсь 24-це майста Атлантический океанца Гренландиять беряконзон видеа. «Бисмарк» германский линкорсь ваяфтозе «Худ» английский линейнай крейсерть. Сон сязевсь артиллерийский погребозонза повф снарядть эзда. Английский сообщениятненъ коряс, «Бисмарк» линкорсь колаф.

«Худ» линейнай крейсерсь — мирса сембода оцю военной корабльсь — аделафоль строямда 1920 кизоня, а 1930 кизоня оду оборудовандаф. Крейсерсь ульсь 42100 тонна водоизмещения. «Бисмарк» германский линкорть водоизмещения 35 тежянь тонна и ноладофль ведти 1939 кизоня. (ТАСС).